



Band II.



L 8 459.2

Archiv 104

No 545-704.

772 771

Æ T E R N V M
PERILLVSTRI ET GENEROSISSIMO DOMINO,
DOMINO
JOANNI FABIANO
A PONICKAV
DYNASTÆ CLIENTELARVM
LVGÆ &c.
POTENTISSIMO POLONIA-
RVM REGI ET SERENISSIMO
SAXONVM PRINCIPIA CONSLIIS
ET SVMMO JVXTA ATQVE EMINENTISSIMO
SVPREMÆ IN LVSATIA CVRIÆ
PRÆFECTO,
PATRONO INTER PATRONOS
IN PATRIA MAXIMO
VOTVM
EA, QVA DECEIT, PIETATE ATQVE OBSEQUI
RELIGIONE NVNCVPAT
VIRNITIÆ LVSATORVM
ADAMVS HERRMANNVS,
DIE XIII. AVGVST. A.O.R.
BVDISSÆ, LITERIS RICHTERIANIS,

M.



Agna conscientiæ religio

mihī est, sub auspicatissimis temporum
nostrorum primordiis, tacere in publico
Patriæ gaudio, nec dare publicos pietatis
plausus, neque fas duco in publicis popu-
li Lusatorum acclamationibus Tibi, Do-
mine Gratiōissime, denegare sanctum ac
mansurum communis lātitiā & debitā
ac justae gratulationis monumentum, idque solemni ac religio-
sa obsequentissimi atque ad nutum compositi Clientis, formula
declarandum, æternus ego atque humilimus gloriae Tuae ad-
mirator existimo. Illam enim in altissimo reipublicæ gradu pri-
dem sitam nova nunc, &, ne ulla pars summæ gloriæ reliqua-
sit, luculenta amplissimæ dignitatis accessione, maturo Perillu-
striū consilii publici Principum consilio, atque efficacissimo
omnium prorsus Ordinum suffragio amplificatam juxta ac ple-
nissimo Regis Poloniarum, Principisque Saxonum maximi te-
stimonio per liberaliter confirmatam, ac splendidissimo demum
novi jure electi & sacro ac solemni ritu inaugurati Patriæ Patris,
bonarumque artium Patroni ac salutis publicæ Statoris titulo il-
lustratam, nuncii per longinquas Lusaticæ ditionis oras & sin-
gulos Patriæ tractus dispositi, atque utilitati publicæ constituti
solemniter meritoque celebrant, & ubiq; acclamante fama cer-
tatim publicant, ac grato & devoto animo colunt, atque ea, qua
par est, animi submissione venerantur perinde ac confitentur. E-
tenim tenes indulgentissimo Numinis divini auspicio imperii
summam regendæ Lusatiaæ, niteris pro gloria DEi, sustines con-
siliis honorem Regis Principisque magni, aspicis ex summo ho-
noris fastigio omnia curarum publicarum ardua, & Tuo ac ma-
ximo omnium rerum arbitro res humanas moderaris atque u-
berrium adeo omnibus impertiris fructum singularis pruden-
tiæ Tuæ, qua Regi & Principi, Patriæ ac posteritati consulis, at-
que in hoc meritorum genere regnum prudentiæ tenes efficisq;
ut habeat posteritas, in quem tanquam prudentiæ exemplum in-
tueatur. Ad excelliſſimum hoc & sublime potentiae fastigi-
um, nulla vis injusta, nulla à Te alienissima inanis gloriæ cupi-
ditas, sed sola excellens & generofissima virtus Tua atque orna-
menta, auctoritas consilii, magnitudo animi, æquitas judicii, ex-
quisitissima ingenii vis & animus tractandæ reipublicæ capacis-
simus.

simus, atque incredibilis cum inveniendi solertia, tum efficiendi in primis celeritas, & accurata interiorque rerum patriarchum notitia, & summa in agendo peritia atque incomparabilis in consulendis conficiendisque rebus industria ac felicitas doctrinaque multo saluberrima, & solida denique ac recondita exinde Juris prudentiae scientia elegit Te meritoque provexit. His tam fuitis initiis innixus, & firmissimis divinarum generosarumq; virtutum splendore ac prudentiae praesidiis munitus, omnes summi sanctissimique Patris Patriae conscripti partes numerosque ac labores magna animi contentione pro Republica suscepitos una cum orbis Nostri admiratione explevisti atque adeo omnium oculos & ora in Te convertisti. Nec minus secundis adversisque rebus magnam animi firmitudinem constantiamque plane singularē probasti, ac periculis maxime, & difficilimis temporibus, & varia ancipitique fortuna, inter tot tantosque hostium apparatus, & repentinās irruptiones expeditionesque & maximos bellī motus ac formidolosos multarum rerum exitus, perturbato etiam Reipublicae statu, nullum pro salute Patriae, cuius semper amantissimus fuisti, periculum recusasti. Sed majus quiddam in Te, Domine Gratosissime, inest, quam verbis exprimere possum. Nam quoad consiliis praesentiaq; Tua frequentissimum Lusatiae Senatum ornasti, ac cum illustrissimis moderandæ Patriae purpuratis & inclutissimis consiliorum sociis sensus Tuos consiliorum publicorum arcanos dividisti, honestissima Patriae instituta graviter defendisti, cum summis, tum gravissimis intercessionibus unus omnium Tu, Domine, ut Romanorum ille Quintius, apud Sveonum, Gothorumque Regem deprecator idem defenforque Lusatiae certissimus extitisti tempore adfustique, & tuendis perinde fortunis atque retinendis privilegiis sedulam constantemque operam dedisti, ac omnia, denique Patriae negotia veluti Tua peregisti ac procurasti, Enianum Apollinem optimi consilii auctorem rerumque graviorum adjutorem sapientissimum imitatus, eoque semper intentus, unde & ostenderetur communis omnium Patriae utilitas, & pararetur optimum Reipublicae praesidium semper securum, & perpetuum retineretur. Reliqua, sic penitus statuo, haec epistola non capit, neque Patria circumscribit, longius prolata sunt & provecta, ne minus dicam, quam sanctissima Tua requirunt merita, quippe quae in omnium animis dominantur cumulatissima, non in curia & foro solum, sed etiam in colloquiis publicis, & Procerum congressu, & comitiis in Patria habitis, in conventionibus institutis, & ipsa adeo in aulae luce etiamnum insigniter splendent, ac pleno omnium ore celebrantur.

Quae per se maxima omnique laude dignissima ut a principio usque ad extremum omnia paucis complectar, prorsus talia sunt,

sunt, ut cum sub ipso se splendore & rerum magnitudine gestarum ab injuria temporum vindicent, & in religione animi tacitaque admiratione conquiescant immortalia, tum aciem cuiusvis mentis etiam præstantissimæ, ac meos privati hominis oculos veluti lumen præstringant, maximumque ac supra vires meas apparatus requirant, finibusque tam amplis contineantur, ut plenos commentarios, ac justam historiam postulent à me atque exspectent. Quamobrem in publico terrarum orbis domicilio hæc consecuto Tibi, ac Tua causa etiam Regi, Principi, Patriæque, ac mihi denique ipsi cum primis ex animo gratulor, qui in Te, Domine indulgentissime, spem veræ ac solidæ felicitatis adipiscendæ certe maximam atque præsidium salutis meæ firmissimum colloco, ac totum me Tibi do, totamque studiorum meorum fortunam permitto. Ad extremum quod reliquum est, peto abs Te, vehementerque rogo, hoc mihi concedas atque ex gratia tribuas, ut mihi imposterum quoque liceat esse in loco numeroque Clientium Tuorum, qui cupiunt, DEumque immortalem precantur veneranturque, ut locum, quem summa fide & constantia, summa integritatis laude & immortali illustrium in Patriam meritorum gloria consecutus es, Patriæ causa, tenere feliciter, & tueri constanter possis, ac quod sancit Rex Polonorum Saxonumque Princeps, quodque svades Tu, & Regi Principi, & Tibimet ipsi, & Patriæ faustum fortunatumque esse velit, & quod in Te summum prorsus atque incomparabile, & prope immensum literarum decus ac delicium, & præsidium quoque ac firmamentum est, atque semper magis splendet, serenissime sibi repeatat, ut sacra & profana, divina & humana quam diutissime Te auctore floreant felicissimeque converventur. Ita DEus Te, Domine Gratosissime, optimum maximum salutis publicæ Præsidem, & juris legumque custodem, salvum & in columem, una cum Illustrissima Generosissimaque Conjuge Tua, illa omnium in terra rerum, quas posides sanctissimarum, consiliorumque socia, mihi Clienti Vestro, diu omni augstæ ac generosæ felicitatis genere servet beatissimum, omnibusque immensis gloriæ ac fortunarum accessionibus post hac augeatur, juxta ac summa post DEum, patrocinii Tui auctoritate metuendum ornandumque suscipias, ac Tuis demum auspiciis via aditusque mihi ad capessenda industriæ & diuturnæ expectationis eruditorum hominum præmia dividitus constituta muniatur.



Oberlausitzische Bibl. Görlitz



1066905 1